

**MINISTARSTVO ZDRAVSTVA  
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 12/03, 34/03 i 65/13), člana 18. Zakona o osnivanju Javne ustanove Institut za zdravlje i sigurnost hrane Zenica („Sl. novine Zeničko-dobojskog kantona", broj: 5/15 i 10/18) i člana 3. 18. i 23. stav 1. tačka e) Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona ("Sl. novine Zeničko-dobojskog kantona", broj: 4/15, 7/15, 11/16 i 5/23) u postupku izbora i imenovanja predsjednika i članova Upravnog odbora JU Institut za zdravlje i sigurnost hrane Zenica, Ministarstvo zdravstva Zeničko-dobojskog kantona objavljuje

**JAVNI OGLAS  
za izbor i imenovanje predsjednika i članova Upravnog odbora  
JU Institut za zdravlje i sigurnost hrane Zenica**

Objavljuje se javni oglas za izbor i imenovanje predsjednika i članova Upravnog odbora JU Institut za zdravlje i sigurnost hrane Zenica.

Upravni odbor ima 5 (pet) članova i čine ga predstavnici:

- osnivača - 3 (tri) člana i
- zaposlenika JU Institut za zdravlje i sigurnost hrane Zenica - 2 (dva) člana.

Mandat Upravnog odbora JU Institut za zdravlje i sigurnost hrane Zenica traje 4 (četiri) godine, uz mogućnost ponovnog imenovanja.

Predsjedniku i članovima Upravnog odbora JU Institut za zdravlje i sigurnost hrane Zenica pripada naknada za rad u Upravnom odboru u skladu sa članom 1. stav 1. tačka b) Odluke o visini naknade predsjednicima i članovima upravnih odbora kantonalnih zdravstvenih ustanova i Zavoda zdravstvenog osiguranja Zeničko-dobojskog kantona („Sl. novine Zeničko-dobojskog kantona", broj: 7/15).

**Opis pozicije**

Predsjednik i članovi upravnog odbora zdravstvene ustanove obavljaju poslove propisane članom 20. Zakona o osnivanju Javne ustanove Institut za zdravlje i sigurnost hrane Zenica („Sl. novine Zeničko-dobojskog kantona", broj: 5/15 i 10/18).

**Opći uvjeti za imenovanje**

Kandidat za imenovanje u Upravni odbor obavezan je ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije obuhvaćen članom IX stav 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13),

6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
7. da nema privatni i/ili finansijski interes u zdravstvenoj ustanovi u čiji se upravni odbor kandiduje,
8. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne,
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

### **Posebni uvjeti za imenovanje**

Kandidat za imenovanje u upravni odbor obavezan je ispunjavati sljedeće posebne uvjete:

1. VSS (VII stepen) stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja ekonomskog, pravnog, zdravstvenog ili drugog smjera,
2. najmanje 5 godina radnog iskustva u struci,
3. da nije član nadzornog ili upravnog odbora, odnosno odbora za reviziju u više od jednog privrednog društva,
4. komunikacijske i organizatorske sposobnosti,
5. sposobnost tumačenja ekonomskih, tehnoloških i pravnih analiza i propisa,
6. rezultati rada ostvareni tokom poslovne karijere, posebno u oblasti zdravstva i zdravstvenog osiguranja.

### **Dokazi**

Prijava na javni oglas treba biti potpisana od strane kandidata i treba da sadrži kraću biografiju, adresu, kontakt telefon i naznaku:

- iz kojeg reda predstavnika se kandidat prijavljuje (predstavnik osnivača ili predstavnik zaposlenika JU Institut za zdravlje i sigurnost hrane Zenica) i
- na koju poziciju u upravnom odboru se kandidat prijavljuje (predsjednik ili član Upravnog odbora).

Kandidati su obavezni uz prijavu na javni oglas dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. univerzitetsku diplomu,
2. uvjerenje o državljanstvu ne starije od 6 mjeseci ili ovjerenu kopiju lične karte,
3. dokaz o radnom iskustvu na poslovima svog stručnog zvanja,
4. ovjerenu izjavu kandidata iz tačke 3. 4. 5. 6. i 7. „Općih uvjeta za imenovanje“ i tačke 3. „Posebnih uvjeta za imenovanje“,
5. uvjerenje da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri, izdato od nadležnog općinskog suda prema mjestu prebivališta kandidata.

Dokaz da kandidat nije osuđivan za krivično djelo nespojivo sa imenovanjem na poziciju člana Upravnog odbora JU Institut za zdravlje i sigurnost hrane Zenica, pet godina od dana pravosnažnosti presude, isključujući vrijeme zatvorske kazne (tačka 8. „Općih uvjeta za imenovanje“, Ministarstvo zdravstva će zatražiti od kandidata koji su predloženi za konačna imenovanja.

Sa kandidatima koji uđu u uži izbor komisija će obaviti intervju. Prije intervjuja kandidati su obavezni popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje.

Prigovor se podnosi Ministarstvu zdravstva u roku od sedam (7) dana od dana dostavljanja obavijesti kandidatu o izvršenom konačnom imenovanju, a kopija prigovora se dostavlja Ombudsmenu za ljudska prava Bosne i Hercegovine.

U skladu sa članom 15. Zakona o ministarskim, vladinim i drugim imenovanjima Federacije Bosne i Hercegovine, lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima dostavljaju se lično ili poštom na adresu Zeničko-dobojski kanton – Ministarstvo zdravstva, Kučukovići br. 2. 72000 Zenica, sa naznakom: **„PRIJAVA NA JAVNI OGLAS ZA IZBOR I IMENOVANJE PREDsjedNIKA I ČLANOVA UPRAVNOG ODBORA JU INSTITUT ZA ZDRAVLJE I SIGURNOST HRANE ZENICA – NE OTVARATI“.**

Javni oglas će biti objavljen na službenoj web. stranici Zeničko-dobojskog kantona, dnevnom listu „Dnevni avaz“ i „Službenim novinama Federacije Bosne i Hercegovine“.

Rok podnošenja prijave na javni oglas je 15 dana i počinje teći narednog dana od dana objavljivanja javnog oglasa u „Službenim novinama Federacije Bosne i Hercegovine“.

Neblagovremene i nepotpune prijave će biti odbačene.

